



21688

Kat.komp

III

Mag. St. Dr.

P


*Nicolaus.*

*Tarczewski Joannis: Excelsum meritis, sapientia,  
virtutibus caput in Nicolao Tarczewski  
— coronatum.*

PANEG. et VITAE

Polon. Fol.

N. 1696



EXCELSVM

Meritis, Sapientiâ, Virtutibus.

C A P V T

*In Perilluſtri & Reverendiſſimo Domino,*

D. NICOLAO

ZALASZOWSKI

V. J. Doctore Archidiacono Poſnañ:

Protonotario Apoſtolico,

Seminarij Proviſore Vigilantiſſimo,

Iudice ſurrogato. S. R. M. S.

*Novi muneris acceſſu.*

Archidiaconali ſcilicet honoris faſtigio

C O R O N A T V M

Ac in primo tantæ eminentiæ ingreſſu

Inter feſtivia Perauguſti Capituli deſideria,

*Inter tripudiantia Academia Poſnañ. Vota*

*Inter triumphales Illuſtris Juventutis plauſus*

A devinctiſſimo tanto Nomini Cliente.

M. IOANNE TARCZEWSKI Phie: in Alma Univerſitate Crac.

Doctore in Poſnañ: Academia Rhetorices & Dialect: Profefſore,

Contubernii Szoldrſciani Prefecto.

Vectigali Cultu, & profundiffimâ veneratione

SALVTATVM.

Anno Capitis in terris inter membra Chriſti 1695.

---

Typis Academia Poſnaniensis.

In Avitum  
 Perillustris & Reverendissimi  
 Domini **INSIGNE**



*Iam pridem meruit Virtus Insignia tanti  
 Muneris, hoc dignum semper Honore CAPVT  
 Nil tamen optabat, toties cum plurima posset,  
 Eximium magna credite mentis opus,  
 Cum simul involui tenebris sapientia velles  
 Panditur **ASTRIGERA** nobile **LVCE CAPVT***



IOANNES de Cerekwica CEREKWICKI Pocillat.  
 Wschowens. Pòes: in Acad: Pozn: Stud:

21.688 III

P  
 I  
 D  
 au  
 dan  
 alia  
 ac  
 At  
 bit  
 mag  
 in  
 Pha  
 chr  
 erg  
 Imn  
 ran  
 tud  
 rior  
 di s  
 tore  
 rec  
 Dir  
 sens  
 cum  
 Calit

Ad  
PERILLVSTREM & REVERENDISSIMVM DOMINVM  
D. NICOLAVM  
ZALASZOWSKI

I. V: Doctorem Archidiaconum Posnaniensem  
Protonotarium Apostolicum  
Seminarij Provisorem  
Iudicem surrogatum S, R. M, S.

**M**agnitudo Nominis Tui, tantorumq; sacra in Republica meo-  
ritum gloria, quã in dicendo summorum Artem, scribendiq;  
licentiam enervas, iustam calamo iniecit formidinem, quoties  
impar Nomini Tuo Elogiastes, in veltigalem tanti CAPITIS  
asurgo reverentiam PERILLVSTRIS & REVEREN-  
DISSIME DOMINE, Nec vana silentij ratio inconsultos convincit  
ausus, Dedalex exemplo Proles, ne immensa quã fulges luce, parem su-  
dantibus ingenijs cladem opponas, ceu quondam ceratis Phæbea maiestas  
alis, Illustras & ecclesiam, raro sapientiæ Tux exemplo, pietatis incitamento,  
ac incomparabili constantiæ vultu, Discutis tot difficultatum umbras, ceu  
Atticas quodam Plenilunio Noctes, aut verius cicam, velut aurea solis or-  
bita in quendam singularis gloriæ Tux circumplexa tornum, Beneficiorum  
magnitudine, gratiarumq; Tuarum radijs Lubranscia animatur & INVS,  
in novam duraturi in ævum Nominis sui vitam, nosterq; Parnassus, Te  
Phæbo ceu chori sui Præsidi quia munificentissimo Benefactore, in pule-  
chram revirescit amœnitatem, plenam lætitiæ faciem explicando, Quidni  
ergo in tenues quamvis prorumpere voces Tulliani fontis accola licebit,  
Immo Marpesia quantumvis caute, aut duro Memnonis saxo, obrutum ge-  
ram pectus, aut excisas Tarpeia de rupe fibras, non Tuam animi magni-  
tudinem vana taciturnitate licebit præterire, fabulamq; Memnonis ad ves-  
torem præstat revocare exitum, ex tanti honoris accessione novam loquendo  
di sumendo potestatem, Præmisisti equidem disertissimos pro Domo Ora-  
tores tot illustria operum Tuorum monumenta, tantam paucisq; usitatam  
rectefactorum seriem, longo ordine in minora gentium Astra derivatam,  
Divæ Themidis Oraculum sero venturis audies Nepotibus cum iam præ-  
sens hæc quam vivimus ætas id Tuis ingeminet profundioris sapientiæ do-  
cumentis, Loquentur pro Te ad securam posteritatem, effusa in sacros  
Calitum Penates, ære perenniora munificentia Tux testimonia, restitutus  
Aris splen

BA

*Aris splendor, depulso veteri squallore. Novus Altaribus honore Tantis  
virtus Tua ad glorie suae energiam abundat oratoribus, quibus ceu nova  
inspirat verba, dicendiq; plenitudinem, meritorum Tuorum claritudo. Ve  
rum meam quoq; exigui licet Encomiastae, non excludes paginam, obscu  
ra quidem verborum series, Tuam non attingit lucem, sperat tamen hanc  
a Te potius se se accepturam. Maiora quippe sunt Tuarum in nos totamq;  
nostram Academiam gratiarum & effusa liberalitatis argumenta, quam  
ut vel dictis aequari possint, vel scripto ad proportionem Arithmetica  
revocari. Quidquid in Tuis laudibus impar detritum calamus, Tua suppleo  
bit gloria magnitudo, Accepta igitur hanc quantulacumq; est opellam, nec  
verba sed mancipatos propensionis Academica pensa affectus, ceu aperto  
quondam Zopiri malogranato Epirotarum Rex quot acinos, tot secuturae  
Tuae felicitatis lege apices, Vive diu felix immensos Vive per annos, E  
ant Tibi magni menses, fluant secula puro ducta obryzo Continuent su  
peri pleno mea vota favore, quae communis vox pro Te sonat, quidex  
unanimes mancipatae nutibus Tuis Academia voto, precor & Palladis  
nominis auguror.*

**Perillustri ac Reverendissimae Dominationi  
Vestrae.**

**Devotissimus Clientis**

**M. IOANNES TARCZEWSKI**  
Rhetor: Professor Contubernij  
Scolasticiani Praefectus

# EXCELSVM

Meritis, Sapientiâ, Virtutibus,

## CAPVT



Rmatam vestigali calamo manum,  
Linguam non popularis Plinij discretissimam,  
Vinctosq; Pindaricis numeris pedes,  
Permixtas plausibus voces,  
Et quidquid Oratorij Corporis elegantissima spirat Sîmetria,  
Non triviali obsequio & conatu  
In tributariam suo honori urget reverentiam,  
Magnum istud quod molimur Opus est,  
Fastigium tanti CAPITIS attingere, vel laudem coronamento,  
Et ad summa laudatricem urgere pennam,  
Quæ calcaneo subiecta pedum,  
Hinc opem animumq; poscit,  
Nec laurum à plantis optat, sed censuram,  
Quæ forsitan inuodari (ut aiunt) cogeretur  
Convicta profano ausu Panegyris.  
Scilicet, eruditam quantumvis vivere ætatem dicimur,  
Ea tamen temporum calamitas est  
Laudatoribus communis,  
Qui dum in Culmen meritorum audaci nituntur pennâ  
Inferici Dadaleæ Prolis relapsu  
In Icariam detrusi voraginem,  
Exitu implent fabulam  
Promiscuam temeritatis daturi panam  
Quod solis terrarum inconsultâ periissent audaciâ,  
Lux tua in Firmamento Ecclesiæ patentissima,  
PERILLVSTRIS & REVERENDISSIME DOMINE  
ARCHIDIAcone POSNANIENSIS  
Mâiestate radij intuentium perstringens palpebras,  
Nec profano fulgore  
Mirantium irradians, animos,  
Iustam Umbrâtili Svadæ portendit formidinem,  
Quod tanti non pro Mâiestate CAPITIS  
Conari tenuis grandia debeam,

B

Pusio

Puffio Orator,

Meriti primo giganteam tanti Nominis excellentiam debueram  
At inconsultâ quadam effusi præ gaudio pectoris celeritate

Rapta extra se vis Enthea,

Ac oblita sui quo pulcher gloriæ Tux urgebat Amor,

Quo publica ex Tuo Honore lætitiæ scena vocabat,

Dulci quâdam violentiâ

Omnem obstantis moræ luctam perrumpere

Inter Tui Honoris Triumphos duximus.

In Tuam gloriæ Magnitudinem, omne laudatoris genus movere

Voces & calamos animare,

Velut ex condicto, & quâdam animorum conspiratione

Publica gaudiorum indixit resera.

Promiscua quippe Officiosi Cultus promptitudo est,

Ac præceps plaudentis officij lucta,

Eos in fastigio honoris spectare;

Qui meritorum suffragijs huc evecti,

Vsitatam ijs monstrarunt viam

Quorum Verona non Placentia Mater,

Succedaneo Iure pulchram ex asse Virtutum hereditatem,

In perennem dedit titulum.

Meritissimis Nepotibus

Sua se luce in apricum gloriæ promentibus.

Atq; unum Te viderunt sæcula,

Doctorum Phœnicem

E Magnorum Cineribus Sapientiæ Diastarum redivium.

Primum Iuventæ Florem

Ad candidam limacioris ævi lucem,

Vel magnæ in herba spei aprabas semper,

In illa Regum Altrice, & Aluna,

Alma inquam Vniuersitate Nostra Cracoviensi,

Feracissima bonarum Mentium Matre,

Fæcundissima Regum Regnorumq; Scholas

Sacrorum Nectar Fontium

Aureos omnium Facultatum hausisti latices,

Ea Capacis animi Tui dulcedine;

Ut coniurata veluti omnium vota,

In securæ Magnitudinis Tux præsagia accenderes.

Prominebat in prima illa ætatis Tux indole,

Magux Spei non difformis Idea,

Quæ velut in tersissimo quodam speculo,

Futuram Nominis Tui gloriam,

Sole clariùs demonstrabat

Ad veteris ævi invidiam.

Philosophicis ibi ac Mathematicis vacabas disciplinis

Ita; ut in Stagyritico illo Cursu,

Nullum non gloriæ passum exegeris;

Pulcher Sapientiæ Olympionices.

Vixq;



Vixq; ad optatam Aristotelicorum Olijmpiorum stetit metam?

**Meritissimo CAPITI Tuo**

Nedum Vig- simum attingens annum Lauream insumpfisti,  
Dignissimus Philosophix Doctor.

Non erubuisti sacrum illud eruditi honoris Coronamentum,

**Quod ante TECZYNIORVM, OSSOLINIORVM,  
LYBRANSCIORVM, OLESNICCIORVM**

Ducum, Cardinalium, Præsulum,  
Auro ac lauro digna ornabat tempora  
*Egregium scilicet Virtutibus decus est,*

*Si quod Infularum Mitrarumq; pondus premere debuerat CAPVT  
Prodromo laureæ inessu attetur*

*Ad expeditius ferendum tam illustre munus.*

Post exitium illud Philosophici laboris insigne

Eciã sublimiorum decora scientiarũ, hic facile merueras.

Sed Patrii angustix Climatis

Inuolatæ iam tunc Nominis Tui

Magnitudini arctum opposuere spatium,

Extero Soli Sacrandæ Indoles

Vt inibi etiã congruam factis referat lucem.

Et certe Cultissimum Italiæ Solum  
ætatis Flori amicum erat.

Illustria ibi Terrarum Spatia emensus

Diutiorem Romæ legisti stationem.

Gentilitio Tuo **CAPITI**

Primum Orbis nunc sacrorum **CAPVT ROMA**

Triumphaleq; inibi **CAPITOLIVM,**

Favorabilem amœnitatis præbuit locum

Celsiorum ibidem scientiarum Laureis

Virtus Tua coronata,

In Sapientia Romana Juris Vtriusq; Doctoratu insigniris

Sacer Iustitiæ Mysta,

Novum Divæ Themidis Oraculum,

Iusti & æqui genuina amussis,

Cuius Virtus & sapientia bilancem meruit

Ad æqualitatis mensuram.

Et proportionatissimum Vtriusq; ponderis æquilibrium.

Ita iam ferax laurearum **CAPVT**

Ad Patria redire membra necesse est

Vt integratũ gloriæ Tux Corpus, cũ omni appareat *Symmetria*.

Verũ cum iam Patria inter limina optatissimum moliris regressũ

Cum Roma suis Te amplius tenere non posset blandimentis,

Nouo doli genere Tuos vult impedire passus,

Morbificas armat furias luctantesq; impetus

Maligna corripicns febre;

In summamq; Corpus debilitatem & languores,

Per tot redigit Septimanas,  
Vt liber ceteroqui animus invito hoc carcere frenaretur.  
**Ne Cara Patria, ne Alma Universitas Cracoviensis,**  
Mille votis expetitam, salutasset **CAPVT.**  
Nihilominus ferali hae discussa caligine,  
Et imminentis prope iam, mortis umbrâ  
Clarior post nubila Phæbus amicis redijsti, obtutibus  
**Protonotarius & Iuris Vtrius Doctor,**  
Romanæ gloria Sapientiæ,  
Almæ Mâtris nostræ decus & Corona.  
Felicissimo, hoc Tuo ab exoticis adventu,  
Quantam in animis multorum excitasti lætitiâ,  
Multorum invidiam  
*Quæ ceu Solis Umbra, Virtutis Comes est,*  
*Et benemeritorum Sentina,*  
*Hæc plerumq; loquitur, non quod subest, sed quod ob-st.*  
Inde nec quidquam obstante livoris, Vn brâ  
**Ad Augustum Clarissimorum DD. Iure Consultorum Collegiũ**  
Gloriæ Tux lux pulchro movit invitamento  
Inter illustria tot Doctorum Numina,  
Maturam sibi designans stationem,  
Ætate non animo, immatura adhuc indoles,  
Sed nec ibi diutior Mora,  
Naræ ad omnia Virtuti,  
**Ad Lubranscianam, Supremus, Arbitet, destinatis, Palæstram,**  
Eum hic acturus Phæbum, s;  
**Sub** cuius moderamine Academicus, refloresceret Parnassus,  
Totiq; vivacissimi, Studij, vernaret facies,  
Et certe lugubri tunc sub, Lubranscia Prou Umbra  
Post immanes Baltici Leonis, ræntias,  
Parentissimam late Nominis, Tui accessu, dedisti lucem,  
Eruditas, Artes, ad veterem reduxisti formam,  
Et ferè emortuis vitam reddidisti literis,  
Vir, sui Nominis, scilicet **NICOLAUS**  
Post hostile ferrum auro, & Ingenio eruditam restaurans acie,  
Sed tantis jam à laboribus honorarium præstat quærere respiriũ  
Dulcem post bella quietem.  
**Suum** quidem Cathedra, Posnantiensis Tibi offert **Canonicatum,**  
Sed magni modesta animi recusavit,  
Ni, impulsu meritorum,  
Socialis gloriæ, Virtus,  
Votis communibus obsequi cogeretur,  
Felix certe honoris accessio,  
Quæ lætam agit in ipso dignitatis passu.  
Præhabens ferri potius ad Culmen quam ire.  
Ast hic quoq; nulla Virtuti quies  
**Gravis**

Grauis Iudiciorum moles Tuis partim incumbit humeris  
 Dum assessorialem induis potestatem,  
 Ab Ordinario Iudice Autoritate Secundus.  
 Cum Magno illo DOBRZELOVIO bene omnia moderans.  
 Quia ad iusti & æqui rationem.  
 Verum Atlante remoto mox in Alcidem  
 Tanto muneri parem  
 Ponderosa hæc rerum devolvitur moles;  
 SURROGATUS scilicet toties IUDEX audiris,  
 Oraculum Delphico majus,  
 Sacrarum Legum Propugnator  
 Et Vivum Iustitiæ simulacrum.  
 Unde tantam de Tua magnitudine merueras opinionem,  
 Tantum de fide integerrima sensum,  
 Ut, quibus in Vita quædam Cordis portio fueras,  
 Post fata sis votorum meta & terminus,  
 Immo etiam qui Tuam in Vivis odio habuere Virtutem  
 In extrema mortis lucta bonorum Suorum ultimæq; Voluntatis  
 Intaminatum imploraverunt Arbitrium,  
 Bene consci; quod etiam apud Hostes suum Virtus pretium habeat.  
 Quandoq; & odia capiuntur Virtutis amore,  
 Vicini quosvis aduersorum impetus  
 Conformans Te cum Gentium Doctore, CRUCIFIXO  
 Cuius, apud Te amor, & Vnicum Cordis delictum  
 Omne tulit punctum  
 Te Zelotem cultus sui ardentissimum,  
 Et omne impendij genus erogantem  
 In patentissimum decus & singulare sui ornamentum  
 Agnovit Rex ille Regū sanguinis sui purpura & spineo diademate  
 Pro Salute humani generis feraliter coronatus,  
 Cuius nobile facellum ope Tua nitet illustrius,  
 Vbi illustrissimorum Nomina trophæo mortis erexisti,  
 Gordio Tholibowsciz Fasciæ nexu  
 Indissolubile amoris Tui in sponsi Cælestis vulnera fædus,  
 Singulâri Tuo accessu innodans,  
 Dulci resonat harmonia Passionis Domini memoria,  
 Quadragesimalibus feriis.  
 Tuo nutu & arte ordinatissime & ad præscriptum legis regula-  
 Singulis concinnata Dominicis. (issime  
 Lamentabile illud mortis excelsæ melos,  
 Et tristes Crucifixi neniz,  
 Tuo ex arbitrio compunctis Fidelium Cordibus geminata  
 Post sera fata  
 Aeternæ quæ Te manet felicitatis tesseram,  
 Sacris Tuis innouit meritis.  
 Fortunatum Acteam cruenta Salvatoris via  
 Ad cælestem eluctari Patriam.

C

Quis

Quis non miretur.  
Quis non imitaretur euntem.  
Nisi Sarcina malorum pigerrimos impediatur passus  
In illis quas Hercules Bivium ad Voluptatis iter direxit.  
I ergo felicissime Viator meritorum Tuorum Appa  
Ad æternæ metam prosperitatis.  
I ad Sublimiorum Culmina dignitatum,  
Quo Tua Te merita Vrgent,  
Quo rara sapientæ vis iuuat,  
Quo Sacrorum justa æstimatio Principum promouet  
I nostrorum inter desideria animorum,  
Dulce Almae Matris German,

**CANTIANÆ** pietatis gemma,  
Nostræ gloria Ierusalem & honorificentia Populi  
**Prudentissime Magni PRÆSVLIS**  
(Meditata quæq; sui elogia supergressi) Ocelle  
Vniuersi Regula Cleri,  
Sacrationis vitæ norma  
Et tersissimum omnis honesti speculum  
Atq; ut deivictissima Honori Tuo in Nobis agnoscat pectora,  
Et pedisequam animorum propensionem;  
Finem exiguæ panegyris in Apollinea conjicio vincula  
Absolutis gloriam Tuam numeris,  
Vinctisq; pedibus libere secuturus

## P V R I S S I M U S

Clientali Candore & obsequio

**J A M B U S,**

Obligatâ tanto Nomini exaggerans propen-  
Et concatenatam votorû seriem. (sic nē  
In æviternum duraturæ prosperitatis fædus,  
Pierio uniens vinculo.

Ocelle Magni Præsulis sacrum decus  
**WITWICCIANÆ** splendidumq; gratiæ  
**LVNÆq; SIDVS,** quo latebrarum truces  
Fugas recessus, abditos umbræ sinus  
**Voluens per omne Gentium confinium.**

Latere pectus inclytum quanquam velit,  
Modestæq; nube tantisper tegi?  
Ast pervicacem carceris rumpit moram,  
Et quidquid obstat tollitur quiuis obex,  
Favente LVNA dupliciq; fidere  
Monstratur altis excitata somnijs  
Virtus, sepultas eruens rerum vices.  
Te nutrit alma faustitas pleno sinu,  
Sacrumq; nectar faucibus stillat Tuis;  
Dum verba fundis veriora delphicis  
Ante simulacris, Te minor vel Delij  
Cortina Phæbi, prisca seu vatum fides,  
Vincis superbos legis antiquæ sonos  
Quos fama toto buccinat mundo super  
Prodigiosas lutibus struens vias,  
Quæis ad supina tendat Achilles juga,  
Non Te profani gustus otij tenet,  
Non delicatis nutibus mollis quies,  
Momentum rerum seriamq; temporis  
Legem coerces, ad Tuam vocans Libram  
Et ordinatis comprimis dies modis,  
Horasq; docto temperas impendio.  
Norunt diurno convolutari Tui  
Pallore Libri, Fronte desudans labor  
Torquet procellam Nominis magno sacræ,  
Hoc imbres surgit multiplex fructus Tibi  
Ac eruditæ culmen altum gloriæ,  
Ultra vetustam gentium turbam vehit  
Tuam beati Nominis famam nielos  
Gratus Camænis, & sacro vatum Choro.  
Laboriosis grande tormentum moves  
Elogiastis, vincit omne Pindari  
Vis, argumentum, laudibus sonans Tuis.  
Minus est canoris quidquid in Te plausibus  
Volui;

Voluitur, Eoi quidquid ex antro Iugit.  
 Laudationis omne succumbit genus  
 Tuos & infra sternitur semper pedes.  
 Tantas adorant Nominis dores sacri,  
 In Te supremo Fama quos Chivo locat.  
 In Te triumphat Diva cuiq, dans suum,  
 Arbitra iusti, missa cælitus Themis,  
 Astra veri Mater ac æqui Parens,  
 Ignara fuci quo suas pingat genas,  
 Sacrumq; turpi pectus, incestet dolo.  
 Te sacra cantat dulce liberalitas,  
 Ac erogatas in Dei cultus opes.  
 De lubrica pulchro fulgurant passim tholo  
 Aræ renidens, stat sùs Divis honos.  
 Per Te reductus, ante cui tristis fuit  
 Impunè squallor: labiles clero lares.  
 Aptas & urges arte SEMINARIVM,  
 Virtutis illud tum quoq, Receptaculum,  
 Sedem bonarum quas colant hic artium  
 Quos sanctioris irruit vitæ calor.  
 Te CANTIANÆ dulce pignus gratiæ  
 LVBRANSCIÆq, munus altum Palladis.  
 Vbiq, magni gloriam fers Nominis,  
 Vbiq; celsum promovens in Te decus.  
 Ergo coronet vota successu Polus,  
 Longæva trances lustra prosperis votis,  
 Fausstoq; ducas in triumpho gloriam,  
 Corona sponsæ, Cor & Amor, Matris sacra.





Biblioteka Jagiellońska  
std:0013457



